



Na osnovu Odluke Vlade Zeničko-dobojskog kantona o odobravanju sredstava za pomoć (broj: 02-14-21043/14 od 23.10.2014. godine), Zaključka Vlade Zeničko-dobojskog kantona (broj: 02-14-21041/14 od 23.10.2014. godine), a shodno Odluci Upravnog odbora Federalnog fonda o utvrđivanju kriterija, dodjeli i usmjeravanju sredstava privrednim subjektima koji su pretrpjeli štete usljed prirodne nesreće (broj: 01-14-11/14 od 4.9.2014. godine), Ministarstvo za privredu, raspisuje

PONOVNI JAVNI POZIV
za prikupljanje zahtjeva za odobravanje i dodjelu finansijskih sredstava
iz Federalnog fonda– pomoći namijenjenih saniranju dijela direktnih šteta usljed poplava

1. Pozivaju se sva pravna i fizička lica koja obavljaju registrovanu djelatnost shodno standardnoj klasifikaciji djelatnosti čije je sjedište i/ili podružnica (poslovna jedinica) registrovana na području Zeničko-dobojskog kantona, koji su tokom poplava imali utvrđenu direktnu štetu, da podnesu Zahtjev za odobravanje i dodjelu finansijskih sredstava iz Federalnog fonda- pomoći namijenjenih za saniranje štete.

2. Pravo na dodjelu sredstava iz tačke 1. ovog Javnog poziva imaju sva pravna i fizička lica koja:

- obavljaju registrovanu djelatnost shodno standardnoj klasifikaciji djelatnosti,
- čije je sjedište i/ili podružnica (poslovna jedinica) registrovana na području Zeničko-dobojskog kantona,
- koji su tokom poplava imali utvrđenu direktnu štetu,
- sa 3 i manje od 3 zaposlena lica i
- koji dostave uredne zahtjeve.

3. Iznos finansijskih sredstava koja će biti dodjeljena jednom korisniku jednak je za sve uredne podnosiocze zahtjeva i iznosi 2.000,00 KM.

4. Uz Zahtjev za odobravanje finansijskih sredstava - pomoći, podnosioci zahtjeva su dužni dostaviti sljedeće priloge:

- Original ili ovjerenu kopiju odgovarajućih obrazaca za evidentiranje i procjenu šteta koji se odnose na registrovanu djelatnost podnosioca zahtjeva.
Obrasci moraju biti sačinjeni i ovjereni od strane općinskih Komisija za procjenu štete u skladu sa Uredbom o jedinstvenoj metodologiji za procjenu šteta od prirodnih i drugih nesreća.
- Ovjerenu kopiju Odobrenja-Rješenja za obavljanje registrovane djelatnosti izdatog od strane nadležnog organa;
- Original ili ovjerenu kopiju spiska uposlenika izdat od strane Porezne uprave sa naznačenim datumom početka osiguranja i datumom kraja osiguranja;
- Uvjerjenje Komercijalne banke da je žiro račun potencijalnog korisnika pomoći aktivan, ne starije od 60 dana u odnosu na dan podnošenja zahtjeva (original ili ovjerena kopija).

U slučaju da se zahtjev odnosi na podružnicu (poslovnu jedinicu) uredan zahtjev podrazumjeva:

- Original ili ovjerenu kopiju odgovarajućih obrazaca za evidentiranje i procjenu šteta koji se odnose na registrovanu djelatnost podružnice (poslovne jedinice) podnosioca zahtjeva.
- Obrasci moraju biti sačinjeni i ovjereni od strane općinskih Komisija za procjenu štete u skladu sa Uredbom o jedinstvenoj metodologiji za procjenu šteta od prirodnih i drugih nesreća.
- Ovjerenu kopiju Odobrenja-Rješenja za obavljanje registrovane djelatnosti podružnice (poslovne jedinice) izdatog od strane nadležnog organa;
- Original ili ovjerenu kopiju spiska uposlenika podružnice (poslovne jedinice) izdat od strane Porezne uprave sa naznačenim datumom početka osiguranja i datumom kraja osiguranja;
- Uvjerjenje Komercijalne banke da je žiro račun podnosioca zahtjeva aktivan, ne starije od 60 dana u odnosu na dan podnošenja zahtjeva (original ili ovjerena kopija).

5. Podnosioci zahtjeva koji su se javili po Javnom pozivu za prikupljanje zahtjeva za odobravanje i dodjelu finansijskih sredstava iz Federalnog fonda – pomoći namijenjenih saniranju direktnih šteta usljed poplava kod privrednih subjekata, objavljenom u listu "Oslobođenje" dana 23.09.2014. godine, a koji je zatvoren 08.10.2014. godine, čija je dokumentacija bila neuredna, dužni su izvršiti dopunu dokumentacije.

Dopunjena dokumentacija mora biti u skladu sa kriterijima navedenim u ovom javnom pozivu.

Informacija – spisak podnosioca sa neurednim zahtjevima i dokumentacijom koju je neophodno dostaviti biće objavljena na web stranici Zeničko-dobojskog kantona (www.zdk.ba) i na oglasnim pločama općina na području Zeničko-dobojskog kantona.

Sve informacije mogu se dobiti i u Ministarstvu za privredu putem telefona broj 032/460-720 I 032/460-721.

6. Komisiju za ocjenu ispunjenja uvjeta i kriterija za dodjelu sredstava po raspisanom Javnom pozivu imenuje i razrješava ministar Ministarstva za privredu. Komisija razmatra pristigle zahtjeve po javnom pozivu, te cijeni ispunjenost uslova i kriterija za odobravanje sredstava.

Nakon zatvaranja Javnog poziva i pregleda zahtjeva, Komisija Izvještaj o ocjeni i mišljenju za sve aplikacije dostavlja ministru Ministarstva za privredu.

U slučaju kada Komisija ocijeni da nisu ispunjeni svi uslovi za odobravanje sredstava ministar Ministarstva za privredu donosi Obavještenje o odbijanju zahtjeva podnosioca.

Nakon zatvaranja Javnog poziva, a na osnovu Izvještaja o ocjeni i mišljenju Komisije, ministar Ministarstva za privredu predlaže Vladi Kantona donošenje Odluke o odobravanju sredstava istovremeno za sve uredne korisnike.

7. Javni poziv ostaje otvoren do 15.11.2014. godine.

Zahtjeve za odobravanje finansijskih sredstava - pomoći, sa priložima, podnosioci zahtjeva trebaju dostaviti najkasnije do 15.11.2014. godine, na adresu:

ZENIČKO-DOBOJSKI KANTON

Ministarstvo za privredu

**KOMISIJA ZA OCJENU ZAHTJEVA ZA ODOBRAVANJE I DODJELU FINANSIJSKIH
SREDSTAVA IZ FEDERALNOG FONDA NAMIJENJENIH SANIRANJU DIJELA TROŠKOVA ŠTETE OD
POPLAVA**

Kučukovići br. 2 72 000 Zenica

Sve dodatne informacije mogu se dobiti na telefone Ministarstva za privredu: 032/460-720; 460-721; fax: 032/460-722 ili e-mail: min.privreda@zdk.ba, te na web stranici: www.zdk.ba.

MINISTAR

Muhamed Husić